

FEGL PAROCHIAL SCHLUEIN



Fevrer 2012

Venderdis, ils 3 da fevrer

09.00 Messa da **Nossadunna da candeilas**
Benedicziun dallas candeilas e dil culiez
mf Johanna Wellinger

Dumengia, ils 5 da fevrer

5. Dumengia ordinaria
09.30 Survetsch divin eucaristic a **Glion**

Venderdis, ils 10 da fevrer

09.00 Messa

Dumengia, ils 12 da fevrer

6. Dumengia ordinaria
10.30 Survetsch divin eucaristic cun sur Alfred
Trentavel Antonia Camenisch-Riedi
mf Mengia Egger-Blumenthal e Gieri Cavetty
19.00 Devoziun

Venderdis, ils 17 da fevrer

negina Messa

>Sonda, ils 18 da fevrer

19.00 Survetsch divin dalla dumengia cun sur Alfred
mf Paul Coray; Mattias BÜchler

Dumengia, ils 19 da fevrer

7. Dumengia ordinaria

19.00 Devoziun

Mesjamna dalla tschendra, ils 22 da fevrer

Di da gigena ed abstinenza

19.00 Survetsch divin a Glion

Venderdis, ils 24 da fevrer

09.00 Messa

Dumengia, ils 26 da fevrer

1. Dumengia da cureisma

09.30 Survetsch divin per l'entschatta dalla
cureisma cun sur Alfred

Benedicziun ed imposiziun dalla tschendra

mf Anton Pelican-Wellinger; Margretha Capaul-
Camenisch

19.00 Devoziun dalla via dalla crusch

Unfrendas dils davos meins

24.12.11	Spital da Bethlehem	Fr.	410.10
07.01.12	Unfrenda da Buania	Fr.	76.70
15.01.12	Mummas en pitgiras	Fr.	72.20

Communicaziuns

- La messa da **Nossadunna da candeilas** celebren nus **venderdis, ils 3 da fevrer**. Enteifer la messa vegnan las **candeilas benedidas** per la baselgia e per diever privat. Ins vegli metter ellas sils pass avon gl'altar.
- **Sonda, ils 4 da fevrer**, ei il **Di da preparaziun per ils premcommunicants** e lur geniturs en casa pervenda a **Glion**. Ils affons e geniturs han retschert in'invitaziun persunala. La **fiasta dall'emprema sontga communiun** ei da **Gliendisdis-Pastgas, ils 9 d'avrel**, a **Sagogn** (per Schluein e Sagogn).
- Il **suentermiezdi da preparaziun per la creisma** ei mesjamna, ils 15 da fevrer. Nus mein ensemen a Cuera. Suenten in program per ils cresmands sentupein nus cun uestg Vitus Huonder. Era per quell'ocasiun han ils pertuccai retschert in invit.
- **Dumengia, ils 12 da fevrer**, organisescha l'uniun da dunnas in **gentar da suppa** en casa da scola (suenten messa). Gl'ei fetg bi che la suprastonza pren adina puspei l'iniziativa da far enzatgei per la cuminonza. Cordiala invitaziun da vegnir numerusamein.
- La **sera da tscheiver** per las treis pleivs ei da **Gievgia Grassa, ils 16 da fevrer**, en sala pervenda a **Glion**. Sco auters onns lein nus passentar ina sera en legra cumpignia. Allas 19.00 uras ei tscheina. Suenten dat ei puspei in per rundas lotto e lu aunc bein enqual sorpresa per tener si da frestg. Igl ei era lubiu da vegnir en costum da tscheiver e cun mascra tier quella sera.

– Demai ch’il plaz ei limitaus ston ins s’annunziar tochen ils 9 da fevrer tier Marta Riedi (tel. 081 925 32 73) ni tier Dora Cavelti (081 925 20 16). Per curclar las expensas stuein nus pretender ina contribuziun da frs. 40.- per persuna. – Il team d’organisaziun selegra, sche biars fan diever da quella purschida.

- All’entschatta dalla cureisma survegnis Vus il **material dalla unfrenda da cureisma**. L’acziun d’uonn stat sut il motto: **Dapli egualitad – meins fom**. Leutier intervegnis Vus dapli ord l’Agenda ed ord ulteriurs mieds che promovon il spert da parter. –L’unfrenda da cureisma rimnein nus da **Dumengia da palmas**, igl 1 d’avrel.

**Uffeci parochial catolic Schluein
Sur Alfred Cavelti, Glion
telefon 081 925 14 13**